

Ekwo

Hagayi

Onye Mpuchiru Chileke

Oku k'akpukwa eze-ulo Chipfu

1 ¹Opfu Chipfu rwuru onye mpuchiru ono, bu Hagayi nchi l'apha, kwe onye eze ono, bu Dariyosu ebo l'abu eze iya; le mboku mbu lime onwa k'ishii ya. O je epfuaru iya Zerubabelu nwa Sheyalutiyelu; onye bu iya bu nnajioha le Jiuda teke ono. O pfukwaaru iya pho Jioshuwa nwa Jiehozadaku onye bu iya bu onye-ishi ndu-uke Chileke. O su phe: ²“Wakwa iphe, oopfu baa; mbu Chipfu, bu Okalibe-Kakota-Ike: Ndu-a l'anoduje epfu su l'o toko rwudu teke aa-kpukwa eze-ulo ke Chipfu.” ³Tobudu iya bu; Chipfu gbenu l'eka onye mpuchiru ono, bu Hagayi zia ozi su: ⁴“?Bu nta-a be o gbaru g'unubedua l'onwunu e-bugbaaru l'ulo unu, a kpuru mee ya ona; ulo-a buru okorobo ulo g'o bu-a? ⁵Mbu-a; wakwa iphe, oopfu baa; mbu Chipfu, bu Okalibe-Kakota-Ike: Unu leanaro enya huma g'uzo unu gbaru! ⁶G'unu koru iphe, ha shii l'ali; unu kpata iya iphe, abadu ishi. Unu nodu erije nri; o too jidu unu epho; unu angua iphe, aangụ angungu; unu taa ngu-jidu epho. Unu nodu eyeje uwe; o too kposhidu g'oyi ta anodu atsu unu. Ndu aapfu ugwo nodu anataje ugwo phe chiru ye l'ekpa, fuhuru uzo. ⁷Wakwa iphe, oopfu baa; mbu Chipfu, bu Okalibe-Kakota-Ike: Unu lenaa enya huma g'uzo unu gbaru! ⁸Unu gbeshi je l'ubvu ubvu je ekwoshia oshi bya egude mee ulo-a; k'ophu oo-me g'ehu tsoo mu utso; teme l'a nodukwa iya pho kwabe mu ubvu. O kwa Chipfu epfu.

⁹“G'unu leri enya iphe, ha shii; abya l'ele enya; o buru iphe, abadu ishi. Iphe, unu wolataru unuphu be mu aphuje swaa phukashia. ?Bu gunu kparu iya? O kwa Chipfu epfu. O kwa ulo mu ono, unu paru haa; o buru okorobo ulo ono kparu iya; l'eka unubedua l'ehu l'ehu esegbaa akanya ulo

k'unu. ¹⁰Ọo ya bu ẹ-a; ọ kwa unu meru g'o gude igwe kwabuhu iji; ali mehubuhu iphe, e meberu iya. ¹¹Noo ya; mu kua okpomọku oku; ọ bya l'egu bya ekpoahaa l'eli úbvú úbvú; bya abaa l'ereshi; mekpoo ẹ vayinu; mekpoo oshi olivu; mekpoo iphe, bukpoos iphe, eemetajekpoo l'ali; kpoahaa nemadzu; mekpoo iphe-edobe; mekpoo l'akanya, unu gude ẹka unu see."

¹²Tobudu iya bu; Zerúbabelu nwa Sheyalutiyelu; yee Jioshuwa nwa Jiehozadaku, onye bu iya bu onye-ishi ndu-uke Chileke; me iphe, bukpoos nwa ndu ono, wafuru nu ono g'ephe ha bya emee olu Chipfu, bu Chileke phe; mbu ozi, onye mpfuchiru ono, bu Hagayi ziru phe; kele oo Chipfu, bu Chileke phe yeru iya g'o bya. Ndu ono tsuaha Chipfu ebvu. ¹³Ọ bu-ru iya bu; Hagayi ono, bu onye-osi Chipfu ono bya ezia ndu ono ozi-a, bu ozi, Chipfu ziru iya ono: "Mu nokwa swiru unu eswiru. Ọ kwa Chipfu epfu." ¹⁴Ọ buru iya bu ẹ Chipfu eshi nno kpalia obu Zerúbabelu nwa Sheyalutiyelu; onye bu iya bu nnajioha ẹ Jiuda; kpalia obu Jioshuwa nwa Jiehozadaku; onye bu iya bu onye-ishi ndu-uke Chileke; bya akpalia obu iphe, bu ndu Izurelu g'ephe ha, bu nwa ndu ono, wafuru nu ono. Ephe bya awata eje ozi l'eze-ulo Chipfu ono, bu Okalibe-Kakota-Ike ono; mbu Chileke phe ono, ¹⁵ẹ g'onwa k'ishii ono du l'ukporo abali l'abali eno l'apha k'ebo, onye eze ono, bu Dariyosu nowaru l'okwa eze iya.

Epfu g'ulo ophuu ono a-maberu mma

2 ¹O rwua ẹ g'onwa k'esa du ẹ ukporo abali l'abali lanu; Opfu Chipfu rwua onye mpfuchiru, bu Hagayi nchi su: ²"Waa iphe, ii-zi Zerúbabelu nwa Sheyalutiyelu, onye bu iya bu nnajioha ẹ Jiuda; zikwa ya pho Jioshuwa nwa Jiehozadaku, onye bu iya bu onye-ishi ndu-uke Chileke; mekpoo iphe, bu ndu Izurelu, g'ephe ha, bu nwa ndu ono, wafuru nu ono. Jia phe su phe-a: ³G'unu hakpoos-a; ?bu ndu ole phodukwaduru, bu ndu humaru ulo-a g'o shi du-be úbvú ẹ mbu? ?Denu g'o du unu nta? ?To dudu unu g'iphe, eeme ke mmanu? ⁴Obenu nta; shihukwa obu ike gube Zerúbabelu. Ọ kwa Chipfu epfu. Shihukwa obu ike gube Jioshuwa nwa Jiehozadaku, onye bu ngu bu onye-ishi ndu-uke Chileke; unu noshikota ike; iphe, bu unube ndu ali-a l'ophu. Ọ kwa Chipfu epfu. Unu je ozi, unu eje; kele mu no swiru unu eswiru. Nokwa iphe, Chipfu, bu Okalibe-Kakota-Ike eepfu. ⁵Owaa bukwa oqbandzu, mu l'unu gbaru teke unu shi ẹ Ijiputu wufuta; mbu ẹ Unme mu nokwa l'echilabo unu. Ọo ya bu ge ndzu ba agukwa unu!"

⁶"Wakwa iphe, Chipfu, bu Okalibe-Kakota-Ike eepfu: Ọ to dukwa g'oono-beru; mu anmaa igwe l'ophu yigayiga; nmaa eliphe l'ophu yigayiga; yee eze-enyimu; yee ali, kpohuru nku. ⁷Mu a-nma ohamoha l'ophu yigayiga. Onye ono, ohamoha ele enya iya ono abya. Mu emee g'akpabiri iya ji ulo-a l'ophu. Ọ kwa iphe, Chipfu, bu Okalibe-Kakota-Ike eepfu. ⁸Mkpola-ochaa

bụ nkemu; mkpọla-ododo bụru nkemu. Ọ kwa Chipfu, bụ Ọkalibe-Kakọta-Ike eepfu. ⁹Akpabiri k'ulo ikpazu-a a-kakwa shii eme l'akpabiri iya k'akahu iya. Ọ kwa Chipfu, bụ Ọkalibe-Kakọta-Ike eepfu. Ọ bụru l'eka-a bẹ mu a-ndodu wobata ẹhu-guu." Nokwa iphe, Chipfu, bụ Ọkalibe-Kakọta-Ike eepfu.

Ndu Ízurelu emerwushi onwophe

¹⁰Ọ rwua l'abalị k'ụkporo l'eno l'onwa ke tete l'ime apha ono, kwe onye eze ono, bụ Dariyosu ẹbo l'abu eze iya ono; Opfu Chipfu rwua onye mpfuchiru, bụ Hagayi nchị sụ iya: ¹¹"Wakwa iphe, Chipfu, bụ Ọkalibe-Kakọta-Ike eepfu baa: Jịshikwa ndu-uke Chileke iphe, ẹkwo ekemu Chileke epfu; sụ phe: ¹²Ọ -buru le nemadzụ pyaru igburonu uwe iya apyapya bya egude iya parụ anụ, e doru nsọ; igburonu uwe iya ono rwua le buredi; ọzoo l'o rwuru l'ophe, e teru etete; ọzoo le mee; ọzoo le manụ; ọzoo l'o rwuru le nri ọzo, dukporo iche; ?o meru g'iphe ono, o rwuru ono du nsọ ọtọ?"

Ndu uke sụ waawaa.

¹³Noo ya; Hagayi sụ: "Onye merwuru onwiya opfu l'o denyiru odzu ẹka; ọ -ha-kwanuru iphe ono denyi ẹka; ?O merwuwaru iphe ono ọtọ?"

Ndu uke sụ iya: "Ee. O merwuwaru iya."

¹⁴Hagayi byakwa bya eyee onu sụ: "Nokwa g'ọ du l'ehu ndu ọha-a, nọ mu l'iphu-a; waa l'ehu iphemiphe-a, ephe emekpoo ememe; mekpoo iphemiphe, ephe agwa agwagwa, bukota iphe, e merwuru emerwu. Nokwa iphe, Chipfu eepfu bụ ono."

Chipfu e-kebe ndu Ízurelu l'oma

¹⁵"Sụ-a; unu lenaa ẹnya hụma g'uzo unu gbaru; e -shi ntanu jasuru. Unu lewaro g'iphe shi du teke e teke ewotadu mkpuma kpopfube le nwibe iya l'eze-ulo Chipfu. ¹⁶Teke ono shi abujeru: onye -jeshiaru l'eka o kuberu ikpo nri ukporo; l'o buwaru iri kpoloko phoduru iya. Onye jeru l'eka aakuje mee je akuta iya mee, l'e-ji ugbobele-mee ukporo labo l'iri; l'oburu ukporo lanu kpoloko be oo-kuta iya. ¹⁷Akanya, unu gude aka unu see be mu meru o chashihu manụ; tsushia evu; mu tupyashia ya l'akamini; ophu unu aghakwaru mu pho iphu. Ọ kwa Chipfu epfu. ¹⁸Unu lenaa ẹnya g'uzo unu a-gba; a -gbe ntanu-a, bu ukporo abali l'abalị eno k'onwa tete-a jasuru. Mbụ-a; unu lenaa ẹnya g'uzo unu gbaru; e -shi mboku ono, a turu okpa-ulo eze-ulo Chipfu ono. ¹⁹?O nwekwaduru mebyi-iphe, dukwadu l'oba? Mbụ le-a; e -shi teke ono jasụ nta-a be vayinu; yele oshi figu; waa oshi itorokuma; me oshi Olivu unu g'ọ ha ta adukwa ophu eyeje mebyi. Ole e -shi ntanu-a be mu byaru ekebe unu l'oma."

Zerúbabelu bu echi, Chipfu gba l'eka

²⁰Opfu Chipfu byakwa erwua Hagayi nchị ozobakwa k'ugbo ẹbo le g'onwa du l'ukporo abali l'abalị eno ono. Ọ sụ iya: ²¹"Pfururu Zerúbabelu,

onye bụ iya bụ nnajioha lẹ Jiuda; lẹ mu abya anma igwe yẹ eliphe yigayiga. ²²Mu a-gha aba-eze ndu bụ eze igharaphu. Mu emebyishia ike ndu-ishi l'ohamoha. Mu a-gha ugbo-inya yẹ ndu agba iya nụ igharaphu; inya yẹ ndu agba iya nụ adaa ndatewo; onyenonu bụ nwibe iya e-gude ogu-echi iya gbua ya. ²³O -rwua mboku ono; o kwa Chipfu, bụ Okalibe-Kakota-Ike eepfu; be mu e-duta gube onye-ozu mu, bụ Zerubabelu nwa Sheyalutiyelu; o kwa Chipfu epfu. Mu e-me ngu g'i du g'echi-ohubama, mu agbaje l'eka; kele o kwa mbedua hotaru ngu." Nokwa iphe, Chipfu, bụ Okalibe-Kakota-Ike l'epfu.